

ZAPISNIK

Sa III sjednice Upravnog odbora Udruženja poslodavaca FBiH, održane dana 15.05.2012. godine sa početkom u 12:00 sati u prostorijama Sarajevo osiguranja (Čobanija) u Sarajevu.

Sjednici su prisustvovali: gđin. Miljenko Čolak gđin. Safudin Čengić, g-din. Predrag Čović, gđin. Vejsil Huremović, gđin. Haris Kuskunović, gđin. Hamed Šivšić, gđa. Amela Hrbat gđin. Midhat Terzić, gđin. Suhad Ećo, i gđin. Josip Vukadin.

Sjednici nisu prisustvovali: gđa. Edita Mulić, gđin. Anto Suton, gđin. Stipe Prlić, gđin. Šaban Rizvić, i gđin. Rasim Salčinović koji su opravdali svoj izostanak.

Sjednici su prisustvovali i članovi delegacije ESV-a a koji nisu članovi UO: gđin. Edin Ibrahimpašić i gđin. Tomislav Slišković kao i gost Ahmed Zonić iz GIKIL-a.

Sjednici su prisustvovali po dužnosti: gđin. Mladen Pandurević i Mersiha Jusić.

Na sjednici je prisustvovao i Premijer Vlade Federacije BiH gosp. Nernin Nikšić.

Prije nego što je došao Premijer Vlade FBiH uvodnu riječ dobrodošlice članovima Upravnog odbora uputio je predsjednik U.O. gđin. Sefudin Čengić i predložio sljedeći:

DNEVNI RED

1. Usvajanje zapisnika sa II sjednice Upravnog odbora UPFBiH;
2. Razmatranje materijala za 87-11 sjednicu ESV-a;
 - a. Nacrt zakona o oduzimanju imovinske koristi pribavljene krivičnim djelom i prekršajem Federacije Bosne i Hercegovine;
 - b. Razmatranje Nacrta zakona o šumarstvu;
 - c. Informacija o usvojenim zaključcima ESV-a u prvom kvartalu 2012. godine;
3. Imenovanje osobe u Radnu grupu za izradu teksta Strategije reforme penzionog sistema;
4. Tekuća pitanja;

Gđin. Čengić predložio da se raspravlja po tačkama dnevnog reda prije nego što stigne Premijer a kada stigne Premijer da se prekine sa radnim dijelom i da se da riječ Premijeru.

Razlog posjete Premijera je da se u direktnim razgovorima te ukazivanjem na probleme sa kojima se susreću poslodavci u praksi pokuša pronaći kvalitetno rješenje i prevazići trenutna kriza sa kojom se poslodavci suočavaju.

Premijer je kratko upoznao prisutne sa situacijom u FBiH te o koracima koje preduzima Vlada FBiH. Stvarat ćemo ambijent da privrednici mogu na tržištu funkcionisati bez pretjeranog uplitanja od strane politike, istakao je Premijer.

Premijer je dao priliku svim članovima UO da ukažu na probleme sa kojima se susreću. Članovi UO su vrlo detaljno upoznali Premijera sa problemima. Između ostalih važno je istaknuti samo par pitanja koja su vrlo bitna za normalno poslovanje. Smanjiti rizik naplate potraživanja je jedno vrlo krupno pitanje i tu bi podhitno trebalo pronaći adekvatno rješenje. Drugo pitanje je siva ekonomija čijim sprječavanjem se može obezbijediti oko 80 miliona u budžet, prema ocjenama poslodavaca. Treće isto tako jako krupno pitanje je harmonizacija radnih propisa u Federaciji BiH. Poslodavci su također zaključili da je neefikasnost sudova također veliki problem za uspješno poslovanje. Pored navedenih ključnih problema poslodavci su također istakli; visoka cijena prevoza željezničkog saobraćaja od Ploča do Čapljini, visoke cijene energenata, ponovno uvođenje neustavne kategorije u novi Nacrt Zakon o šumarstvu odnosno naknada za općekorisne funkcije šuma na ukupan prihod; potreba za izmjenama i dopunama sistemskih Zakona PIO/MIO, zakon o zdravstvenoj zaštiti, Zakon o radu, Zakon o zaštiti na radu i dr, problem sa dobijanje radne i boravišne dozvole za strance; rad inspeksijskih službi; primjena Zakona o vanjskotrgovinskoj razmjeni, hitno donošenje Zakona o šumarstvu; Zakon o privrednim društvima. Ovo su vrlo važne teme na kojima se treba surađivati, nastaviti dvomjesečne tematske sastanke i da se pokaže partnerski odnos, istakli su poslodavci. Poslodavci su također ukazali da su efekti fiskalizacije katastrofalni. Na kraju Reforma javne uprave odnosno smanjenje budžetske i javne potrošnje je prioritetno pitanje i ukoliko se to pitanje ne riješi ne može se početi sa rješavanjem nijednog drugog pitanja.

Nakon veoma otvorene i konstruktivne diskusije koju je Premijer ocijenio vrlo pozitivno zaključeno je da Udruženje poslodavaca svoje konkretne prijedloge za poboljšanje poslovnog okruženja odnosno primjedbe na Zakone i izmjene i dopune Zakona dostave na Ured Premijera. Premijer je obećao poslodavcima da će sve primjedbe biti razmotrene te da će Udruženje poslodavaca dobiti odgovor šta je urađeno po dostavljenim primjedbama.

Nakon posjete Premijera Upravni odbor je nastavio sa svojim radnim dijelom sjednice.

RASPRAVLJANJE PO TAČKAMA DNEVNOG REDA:

Tačka 1 : Usvajanje zapisnika sa II sjednice Upravnog odbora

Predsjednik UO je upoznao prisutne sa zapisnikom i otvorio raspravu.

ZAKLJUČAK: Obzirom da nije bilo primjedbi zapisnik je jednoglasno usvojen.

Tačka 2: Razmatranje materijala za 87-11 sjednicu ESV-a;

- a) Nacrt zakona o oduzimanju imovinske koristi pribavljene krivičnim djelom i prekršajem Federacije Bosne i Hercegovine;
- b) Razmatranje Nacrta zakona o šumarstvu;
- c) Informacija o usvojenim zaključcima ESV-a u prvom kvartalu 2012. godine;

Predsjednik je upoznao prisutne sa tačkama dnevnog reda i otvorio diskusiju za tačke dnevnog reda. U veoma otvorenoj i konstruktivnoj raspravi po svim tačkama dnevnog reda su učestvovali svi prisutni nakon čega su doneseni sljedeći:

ZAKLJUČCI:

Vezano za Nacrt zakona o oduzimanju imovinske koristi pribavljene krivičnim djelom i prekršajem u Federaciji BiH UO je podržao Nacrt zakona. Unatoč tome što su podržali zakon članovi UO su istaknuli skeptičnost koliko će njegova provedba dati efekata pošto se, prema riječima poslodavaca članova UO posljednjih godina pokazalo da su mnoge tužbe za privredni kriminal ili druge slične malverzacije završile uglavnom oslobađajućom presudom.

Vezano za Nacrt zakonu o šumarstvu Upravi odbor je zaključio da je tekst Nacrta Zakona o šumarstvu dobra polazna osnova za izradu definitivnog teksta prijedloga Zakona o šumarstvu koji je potrebno donijeti što prije.

Zaključeno je da delegacija poslodavaca ESV-a FBiH na sjednici zahtjeva da se na ESV-u donese odluka da se formira interresorna Radna grupa u kojoj će biti predstavnici Ministarstva poljoprivrede, vodoprivrede i šumarstva FBiH, predstavnici Ministarstva industrije, energetika i rudarstva FBiH te učešće predstavnika drvoprerađivača i proizvođača namještaja. Ova Radna grupa bi trebala da utvrdi principe raspodjele sirovina po kriterijima po kojima će prioriteti u snadbijevanju trupcima imati kompanije koje imaju visok stepen finalizacije i visok procenat prodaje na ino tržištu. Zahtjev proizvođača namještaja i prerađivača drveta je također da se prilikom utvrđivanja cijene sirovine nivo cijena utvrdi na nivou prosječne cijene istog kvaliteta trupaca sa zemljama u okruženju kako ne bi došla u pitanje konkurentska prednost proizvođača namještaja i drvoprerađivača na tržištu EU.

Također je zaključeno da delegacija Esv-a upozna ESV da predstavnici proizvođača namještaja i prerađivača drveta također traže da se odmah pristupi izradi Strategije razvoja drvne industrije i proizvodnje namještaja te da u sklopu te strategije budu obuhvaćen i segment šumarstva koji primarno treba da obezbijedi sirovinama u ovom sektoru.

Također generalna primjedba Udruženja poslodavaca u FBiH je na član 72. Vežano za naknadu za općekorisne funkcije šuma. Poslodavci zahtjevaju da se naknada za OFŠ u potpunosti ukine ili da se smanji za 50% od predloženog ali samo u prelaznom periodu od godine dana budući da nije u skladu sa direktivama EU.

Kako je Ustavni sud FBiH utvrdio da je ukupan prihod neustavna kategorija za utvrđivanje osnova za plaćanje bilo kojih nameta, UPFBiH predlaže da to bude dobit preduzeća iz prethodne godine.

Zaključno je da predstavnici poslodavaca u ESV-u istaknu na sjednice sve navedene zaključke i zahtjeve.

Tačka 3. Imenovanje osobe u Radnu grupu za izradu teksta Strategije reforme penzionog sistema;

Vežano za ovu za ovu tačku dnevnog reda gđin. Pandurević je upoznao prisutne da je dosadašnji član Radne Grupe bio gđin. Mustafa Burgić koji se razrješio obaveza u Urduženju te da treba imenovati drugu osobu.

Predložio je da se imenuju dvije osobe jedan prijedlog je Prof. Dr. Nikola Grabovac. Upravni odbor je za drugu osobu predložio gđina. Darku Josipovića „sarajevski kiseljak d.o.o.“

Zaključak: obzirom da nije bilo drugih prijedloga UO je imenovao Darku Josipović (Sarajevski kiseljak d.o.o.) i prof.dr. Nikolu Grabovca u Radnu grupu za izradu teksta Strategije reforme penzionog sistema.

Tačka 4. Tekuća pitanja;

Pod tekući pitanjima gđin. Šivšić je kandidovao pitanje Zakona o privrednim komorama FBiH ističući da je opet Vlada usvojila Zakon te da stoji da je UPFBiH dalo svoju podršku. S tim u vezi napomenuo je prisutne da se u zapisnik unese da UPFBiH ima svoj stav da je protiv obaveznog članstva te da se pridržavaju stavova sa sjednice UO na kojoj je donesen zaključak da je uO protiv obaveznog članstva.

Gđin. Čengiđ je objasnio prisutnima da je delegacija ESV-a istakla stav UPFBiH odnosno da Udruženje poslodavaca ima svoj stav da je protiv obaveznog članstva u PK i da konstatacija da su konsultovali UPFBiH i da je uPFBiH dalo svoju podršku nije tačna. Vlada je protiv volje poslodavaca napisala da je UPFBiH dalo svoju podršku. S tim u vezi zaključeno je da je UPFBiH i dalje protiv obaveznog članstva te da će i dalje insistirati na detaljnoj analizi Zakona.

Pod tekućim pitanjima se također raspravljalo o pitanju ukidanja carine na uvoz papira koje je kandidovao gđin. Ante Suton.

UO je podržao inicijativu gđina Sutona da se preko UPFBiH pokrene inicijativa za ukidanje carine na uvoz papira.

Sjednica je završena u 15:30časova.

Zapisnik sačinila:
Mersiha Jusić

Predsjednik UO UPFBiH
Safudin Čengiđ, s.r.